

Comhaltaí an Bhoird

Lochlann Quinn Ceapadh Lochlann Quinn ina Chathaoirleach agus ina chomhalta ar an mBord i mí Eanáir 2008. Is Cuntasóir Cairte é an tUas. Quinn a bhí ina chomhpháirtí le Arthur Andersen & Co. agus a bhí ina Chathaoirleach agus Stiúrthóir ar Allied Irish Banks. Bhí sé ina Leas-Chathaoirleach ar Glen Dimplex. Is comhalta é an tUas. Quinn ar Bhord Scoil Chéimithe Smurfit i gColáiste na hOllscoile, Baile Átha Cliath agus tá se ina Chathaoirleach ar Ghailearaí Náisiúnta na hÉireann.

Tá an tUas. Quinn ina Chathaoirleach ar an gCoiste Luacha Saothair agus Forbartha Bainistíochta agus ar an gCoiste Airgeadais.

Georgina Kenny Ceapadh Georgina Kenny ar an mBord i mí Aibreáin 2000 agus athcheapadh i mí Bealtaine 2005 i. Is aturnae í Georgina Kenny atá ina Stiúrthóir Bainistíochta ar Shannon Dry Cleaners. Tá sí ina comhalta ar Bhord Athlone Community Task Force ó 1994 i leith. Tá Ms Kenny ina Cathaoirleach ar an gCoiste Forbartha Gnó agus Gnó Idirnáisiúnta agus tá sí ina comhalta den Choiste Iniúchta agus den Choiste Luacha Saothair agus Forbartha Bainistíochta.

John Coleman Ceapadh John Coleman ar an mBord i mí Eanáir 2007 faoin Acht um Páirteachas Lucht Oibre (Fiontair Stáit) 1977. Tháinig sé ag obair le BSL i 1979 mar Oibrí Lae i Stáisiún Giniúna an Fhéar Bháin. Tá sé ina rúnaí ar Chumann Oibríthe Lae ATGWU. Tá sé ina chathaoirleach reatha ar Bhrairse BSL ATGWU. Tá an tUas Coleman ina chomhalta den Choiste Forbartha Gnó agus Gnó Idirnáisiúnta agus den Choiste Sláinte, Sábháilteachta agus Comhshaoil.

Brendan Byrne Ceapadh Brendan Byrne ar an mBord i mí Meán Fómhair 2004. Tá an tUas Byrne ina stiúrthóir ar roinnt cuideachtaí i dtionscal na heitliochta agus is é an Comhpháirtí Bainistíochta é ar Clear Vision Consulting trína dtugtar seirbhísí airgeadais agus pleanála straitéisí do réimse cliant in earnáil na heitliochta. Bhí roinnt post bainistíochta sinsearach ag an Uasal Byrne roimhe seo in Aer Lingus agus d'oibrigh sé go forleathan i réimse bhainistiú an athraithe. Is Cuntasóir Cairte é. Tá an tUasal Byrne ina Chathaoirleach ar an gCoiste Iniúchta agus ina chomhalta den Choiste Airgeadais.

Padraig McManus Ceapadh Pádraig McManus ina Phríomhfheidhmeannach agus ina Chomhalta den Bhord i mí Iúil 2002. Tháinig sé isteach i BSL i 1973 agus chaith sé cúig bliana déag le gnóthaí idirnáisiúnta na Cuideachta go raibh sé ina dhiaidh sin ina Bhainisteoir Stiúrtha ar ESB International and ina Stiúrthóir Tráchtála ag BSL. Tá sé ina Chomhalta den Bhord ag an Irish Management Institute agus ina Iontaobhaí de Bhord Comhdhála na Stát Aontaithe. Tá an tUasal McManus ina chomhalta den Choiste Sláinte, Sábháilteachta & Comhshaoil, de Choiste Forbartha Gnó agus Gnó Idirnáisiúnta agus den Choiste Margaidh agus Custaiméirí ag an mBord.

John Nugent Ceapadh John Nugent ar an mBord i mí Eanáir 2007 faoin Acht um Páirteachas Lucht Oibre (Fiontair Stáit) 1977. Tháinig sé ag obair le BSL i 1967 mar Oifigeach Feidhmeannach. Ba chomhalta é de Chomhchomhairle Tionsclaíoch BSL ó 1991 go dtí 2003. Bhí sé ina Uachtarán ar Chumann Oifigeach Bhord Soláthar an Leictreachais (ESBOA) ó 2002 go dtí 2006 agus tá sé ina chomhalta faoi láthair de Bhord ESB ESOT. Tá an tUasal Nugent ina chathaoirleach ar an gCoiste Rialála agus ina chomhalta den Choiste Airgeadais.



Lochlann Quinn



John Coleman



Padraig McManus



Georgina Kenny



Brendan Byrne



John Nugent

Eoin Fahy Ceapadh Eoin Fahy ar an mBord i mí Eanáir 2001 agus athcheapadh é i mí Feabhra 2006. Tá sé ina Phríomheacnamaí ag KBC Asset Management Ltd, Baile Átha Cliath, agus tá eolas air mar thráchtair sna meáin maidir le saincheisteanna eacnamaíochta. Tá an tUasal Fahy ina chomhalta den Choiste Luacha Saothair agus Forbartha Bainistíochta, den Choiste Forbartha Gnó agus Gnó Idirnáisiúnta agus ina Chathaoirleach ar an gCoiste Iniúchta.

Seán Conlan Ceapadh Seán Conlan ar an mBord i mí Dheireadh Fómhair 2007. Is Innealtóir Leictreachais é, agus d'oibrigh sé i roinnt ról éagsúil innealtóireachta san Afraic, in Éirinn agus i roinnt tíortha san Eoraip sula ndearna sé sainfheidhmiú i mbainistíocht cáilíochta, trasfhoirmiú, bainistíocht athruithe agus oideachas. Bhí sé ina Phríomhfheidhmeannach ar Excellence Ireland (an chumann cáilíochta neamhspleách náisiúnta) ó 1994 go 2003. D'oibrigh sé chomh maith mar uachtarán ar EOQ (European Organisation for Quality). I measc na ról eile a bhí aige bhí lontaobhaí den Irish National Hygiene Partnership, iar-chomhalta ar an Bord Náisiúnta um Chreidiúnú, agus comhalta de Chomhairle Chomhairleach an Údarás um Shábháilteacht Bhia.

Is comhalta é an tUas. Conlan den Choiste Iniúchta agus den Choiste Margaidh & Custaiméirí.

Garry Keegan Ceapadh Gary Keegan ar an mBord i mí an Mheithimh 2007. Is Stiúrthóir é de Acumen, cuideachta a shainfheidhmíonn i soláthar seirbhísí comhairliúcháin poiblí do thionscadail deartha uirbhig agus bonneag air.

D'oibrigh an tUas. Keegan mar chomhalta ar Bhoird de roinnt eagraíochtaí, ina measc: Temple Bar Properties, Bord Fiontar Chathrach Bhaile Átha Cliath, Dánlann Hugh Lane, ospidéal San Séamas, Sráid Hium agus Sráid Holles. D'oibrigh sé chomh maith mar Chomhalta den Chomhairle ar Údarás Forbartha Cheantar Dugaí Bhaile Átha Cliath.

I mí Bealtaine 2007 cheap an tAire Fiontar, Trádála agus Fostaíochta é mar chomhalta den Sainghrúpa ar Riachtanais Scileanna sa Toghcháil.

Tá an tUas. Keegan ina Chathaoirleach ar an gCoiste Margaidh & Custaiméirí agus ina chomhalta den Choiste Rialála.

Bobby Yeates Ceapadh Bobby Yeates ar an mBord i mí Eanáir 2007 faoin Acht um Páirteachas Lucht Oibre (Fiontair Stáit) 1977. Tháinig sé ag obair le BSL i 1967 mar Ábhar Leictreoir agus d'oibrigh sé ar réimse ghníomhaíochtaí de chuid BSL ag tosú i nDeisiúchán Seirbhíse. Faoi láthair tá sá ag obair mar Theicneoir Gréasáin. Tá sé ina lontaobhaí Chomhalta Feidhmeannais den TEEU agus ina chomhalta den Choiste Aoisliúntas BSL chomh maith. Tá an tUas Yeates ina chomhalta den Choiste Forbartha Gnó agus Gnó Idirnáisiúnta agus den Choiste Margaidh agus Custaiméirí.

Tony Merriman Ceapadh Tony Merriman ar an mBord i mí Eanáir 2007 faoin Acht um Páirteachas Lucht Oibre (Fiontair Stáit) 1977. Tháinig sé ag obair le BSL i 1979 mar Theicneoir Ghréasáin. Chaith sé tréimhse mar oifigeach ar Ghrúpa Ceardchumann BSL. Tá an tUas Merriman ina chathaoirleach ar an gCoiste Sláinte, Sábháilteachta agus Comhshaoil.

Seamus Mallon Ceapadh Séamus Mallon ar an mBord i mí Márta 2006. Toghadh é do Chomhairle Cheantar Ard Mhacha i 1973, do Chomhthionól Thuaisceart Éireann mar a bhí (1973-4) agus do Choinbhinsiún Thuaisceart Éireann (1975-6). Ba chomhalta de Sheanad Éireann é i 1981. Ó 1986 go 2005 ba Theachta Parlaiminte é don lúir agus Ard Mhacha ag Westminster. Ba Leas-Cheannaire é den SDLP agus, tar éis shíniú Chomhaontú Aoine an Chéasta, ba Leas-Chéad-Aire i dThuaisceart Éireann é. Tá an tUas Mallon ina chomhalta den Choiste Sláinte, Sábháilteachta & Comhshaoil agus den Choiste Rialála.



Eoin Fahy



Garry Keegan



Tony Merriman



Seán Conlan



Bobby Yeates



Seamus Mallon

An Fhoireann Feidhmiúcháin

Michael McNicholas Ceapadh Michael McNicholas ina Stiúrthóir Feidhmiúcháin, ESB International, i mí Meithimh 2005. Bhí sé roimhe sin i bpost an Stiúrthóra Feidhmiúcháin, Giniúint Chumhachta BSL agus Soláthar Custaiméirí BSL ó mhí Iúil 2002. Roimhe sin arís bhí sé i bpoist shinsearach sa chuideachta le Giniúint Chumhachta, Gréasáin BSL agus Soláthar BSL. Sa bhliain 1982 a tháinig sé ag obair le BSL. Tá sé ina Stiúrthóir freisin ar ESB ESOP Trustee Ltd.

John Campion Ceapadh John Campion ina Stiúrthóir Feidhmiúcháin, Acmhainní Daonna & Gnóthaí Corparáide i 2002. Tháinig sé ag obair le BSL i 1978 agus d'oibrigh sé i roinnt rólanna a raibh baint acu le caidrimh thionsclaíoch agus bainistíocht phearsanra, lena n-áiríodh Bainisteoir Acmhainní Daonna i nGiniúint Chumhachta. D'oibrigh sé freisin mar bhainisteoir réigiúnda i Sligeach agus i mBaile Átha Cliath. Sular ceapadh é ina Stiúrthóir Feidhmiúcháin, bhí sé ina Cheannaire ar Thionscadail Ghréasáin.

John Shine Ceapadh John Shine ina Stiúrthóir Feidhmiúcháin le Gréasáin BSL i mí na Samhna 2002. Tháinig sé ag obair le BSL i 1978 agus bhí roinnt post sinsearach aige i réimsí Gréasáin, Margaíocht agus Forbairt Gnó de chuid BSL. Chaith sé roinnt blianta lasmuigh de BSL ag forbairt gnó seirbhísí airgeadais idirnáisiúnta ar éirigh go maith leis, sular tháinig sé ar ais go BSL i 2002. Tá céim san Innealtóireacht Leictreach agus céim MBA aige ón gColáiste Ollscoile, Baile Átha Cliath.

Aidan O'Regan Chuaigh Aidan O'Regan isteach i BSL i 1965. Ceapadh é ina Cheann Gnóthaí Rialála i mí Eanáir 1997 agus ina Leas Phríomhfheidhmeannach i mí Eanáir 2007. Bhí sé ina Bhainisteoir ar Athrú Corparáide i rith an Athbhreithnithe ar Chostas agus Iomaíocht. Roimhe seo bhí poist bhainistíochta sinsearaigh aige sna réimsí acmhainní daonna, airgeadais agus bhainistíocht tionscadal agus tá bainistíocht déanta aige ar thascanna comhairliúcháin idirnáisiúnta.

Brid Horan Ceapadh Brid Horan ina Stiúrthóir Feidhmiúcháin, Soláthar Custaiméirí agus Seirbhísí Grúpa i mí na Nollag 2006. Tháinig sí ag obair le BSL i 1997 mar Bhainisteoir Pinsean Grúpa. Ba Choimisinéir den Chúlchiste Náisiúnta Pinsean í ó bunaíodh é i 2001. Ba chomhalta boird i den Údaráis Forbartha Tionscail ó 1996 go 2006. Roimh theacht chuig BSL di bhí sí i gceannas ar Chomhairleacht Pinsin & Actúireach KPMG.

Bernard Byrne Ceapadh Bernard Byrne ina Stiúrthóir Airgeadais Grúpa i mí Eanáir 2004. Is Cuntasóir Cairte é a raibh post cheana aige mar Leas-Phríomhfheidhmeannach agus mar Stiúrthóir Airgeadais Grúpa de IWP International plc. D'fhóin an tUasal Byrne mar chomhalta Boird neamhfheidhmeannach BSL ó mhí Iúil 2001 ach scor sé ón mBord nuair a ceapadh é ina Stiúrthóir Airgeadais Grúpa.



Michael McNicholas



John Shine



Brid Horan



John Campion



Aidan O'Regan



Bernard Byrne

Pat O'Doherty Ceapadh Pat O'Doherty ina Stiúrthóir Feidhmiúcháin, Giniúint Chumhachta BSL i mí Iúil 2005. Tháinig sé ag obair le BSL i 1981 agus d'oibrigh sé i rólanna éagsúla seirbhísi custaiméirí, bhainistíocht tionscadal agus bhainistíocht ghinearálta. Sular ceapadh é ina Stiúrthóir Feidhmiúcháin, Gineadóireacht Cumhachta, bhí sé ina Bhainisteoir Ginearálta le Synergen. Bhí poist shinsearacha aige i nGréasáin BSL.

John Redmond Ceapadh John Redmond ina Rúnaí Cuideachta i 2002. Roimhe sin bhí sé ina Rúnaí Cuideachta ar GPA Group plc. agus d'oibrigh sé i Seirbhís Taidhleoireachta na hÉireann.



Pat O'Doherty

Luke Shinnors Ceapadh Luke Shinnors ina Stiúrthóir Feidhmiúcháin, Acmhainí Daonna, i mí Márta 2008. Roimh a cheapachán ba é Bainisteoir Grúpa, Giniúint Cumhachta. Bhí postanna bainistíochta sinsearacha eile aige i mBSL lena n-áirítear Bainisteoir, Athrú Corparáideach agus Bainsiteoir Acmhainí Daonna, Gréasáin. Tháinig sé ag obair le BSL sa bhliain 1973 agus tá céimeanna san Innealtóireacht Leictreach aige ó Choláiste na hOllscoile, Baile Átha Cliath agus MBS i Straitéisí Acmhainí Daonna ó Ollscoil Chathair Bhaile Átha Cliath.



John Redmond



Luke Shinnors

